

晚晴移詩匯

晚晴簃詩匯卷九十目錄

王杰一首

孫士毅一首

胡高望二首

趙翼二十二首

秦承恩二首

吳玉綸一首

陸錫熊五首

曹仁虎七首

馮應榴一首

田均豫三首

余廷燦四首

謝啟昆二首

邵自鎮一首

邵庾曾二首

儲祕書四首

李文藻二首

黃堂二首

趙文哲二十一首

嚴長明七首

龔禔身三首

邱庭樹二首

巴泰一首

金學詩

一首

朱孝純

四首

鄭澐

三首

李廷儀

二首

錢維喬

三首

崔述

五首

崔邁

一首

江筠

一首

張大福

一首

王金英

二首

猶法賢

一首

晚晴簃詩匯卷九十

徐世昌

王杰字偉人號惺園晚號葆澹韓城人乾隆辛巳一甲
一名進士授修撰官至東閣大學士太子太傅贈太
子太師諡文端有葆澹閣集

詩話朱文正爲文端作墓誌稱其學品似王魯齋甲
第同康熙對山受兩朝知遇張麗之作哀然成集殿試
初擬第三高宗親拔第一御製紀事詩云西人魁
榜西平後可識天心偃武時年垂八十以病乞休
仁宗御製詩送之云直道一身立廊廟
清風兩袖返韓城世謂可盡其生平云

題秋林待月圖

好藉倪迂筆爲傳似月襟微雲淨天宇情景曠秋岑佳客
期涼夜修梧散遠陰一輪光欲吐倚石動高吟

孫士毅字智治號補山仁和人乾隆辛巳進士由中書

官至文淵閣大學士贈一等公諡文靖有百一山房

詩集

贈別袁簡齋先生

不遑鄉書不遣媒闐然直爲荔枝來文章澤國蛟龍避

先生

暇荔令弟太守署中西張驟至城不沒者三版未幾漲旋落

裹屐僊山蛺蝶陪當日登

場誰不識祇今此事更交推自慙海上孫賓石瘴霧憑公

一掃開

粵東濱海多霧雨公到後連日晴霽

胡高望字希呂號崑圃又號豫堂仁和人乾隆辛巳一

甲二名進士授編修官至都察院左都御史諡文恪

春日就亭卽景

碧蘿掩映小林垌繞屋平岡迤邐經一曲蕭江晴入畫幾層閣岫暝浮青登臨到處開襟抱風雅當年見典型好景

無邊添勝賞佳游彷彿峴山亭

校士甯都

春光駘宕過梅川民物熙和境靜便膏雨乍收青畎外人

家多住翠微邊

翠微峯距甯都城西北十里金精十二峯之一也

關心芳序舉蘭節

入畫輕陰釀麥天最喜時平風俗美星輶周覽記經年

趙翼字雲崧號甌北陽湖人乾隆辛巳一甲三名進士

授編修歷官貴西兵備道有甌北集

王蘭泉曰雲崧性情倜儻才調縱橫同時與袁子才
蔣心餘友善才名亦相等故心餘序其詩謂與酣落
筆百怪奔集奇姿雄麗不可逼視子才謂其忽正忽
奇忽莊忽諧稗史方言皆可闢入詢知言也王西
莊曰才俊而雄得天者厚佐以學問故言之短長與
聲之高下皆宜當其得意如關河放溜瞬息無聲又
如太阿出匣寒光百道然其妙緒獨抽排粗入細正
多膩思妍旨溢平文句之外未嘗徒以馳騁爲能事
翁覃溪曰詩境碑兀奇突音在空外昔人評魯公
書力透紙背與褚河南用筆高出紙上寸許其理正

同吾安得執一解以印之吳蘭雪曰觀察才大氣雄無所不有集中七律最爲擅場名句不可勝采爲余作文信國與新谿公手札古詩又次韻七律獨精鑒無一併語題東浦方伯集五古亦然豈其信手揮灑亦英雄
敗人耶
詩話自袁蔣趙三家同起舉世風靡詩體一變爲講格律者所集矢雲崑詩最繁富才雄學博不屑寄人籬下而莊諧雜進馳騁不羈茲人口實然其經意之作大抵洞達真切蔚然深厚集中論詩云作詩必此詩定知非詩人此言出東坡意取象外神驗羊眠挂角天馬奔絕塵其實論過高後學未易遵詩文隨世運無日不趨新古疏後漸密不切者爲陳譬如夏駕馬將越而適秦瀾隆終南景何與西湖春是知與會超亦貴肌理親作詩必此詩乃知真詩人此篇見生平宗旨曰新曰切曰肌理故非徒矜浮夸藻麗者所能效顰耳

題陳東浦藩伯敦拙堂詩集

學詩必學杜萬口同一噪連城有眞璧未可砒砭冒嗚呼
浣花翁在唐本別調時當六朝後舉世炫麗藻青蓮雖不

羣餘習猶或蹈惟公起掃除天門一龍跳骨力森開張神
勇鬱雄驚陽烏掩燭火轟雷塞蚓竅天壤此一途疏鑿曾
未到一開五丁峽遂坦九軌道坐令翰墨場莫不奉旌纛
微之仿精切退之師排冝義山鍊格迢涪翁取徑峭豪宕
放翁吟悲壯遺山弔斯皆分杜派各具一體妙迨明李何
輩但摹面目肖彭亨鼓蛙怒咆勃奮虎嘯徒滋虛氣張終
覺輕心掉曠代有東浦孤詣戛獨造淵源泝雅騷根柢本
忠孝讀書必破卷陋彼管窺豹出語必驚人驚若韞脫鵠
力厚巨鼎扛思沈重淵釣每於樸僿處雋味出揉拗以追
少陵作磁鐵兩孚召得皮兼得骨在神不在貌緬昔老拾
遺入蜀詩益爆長揖嚴尹幕高歌葛相廟至今舊草堂萬
丈光尙耀先生出筮仕卽泛錦江櫂固知關宿緣豈特發

山月先生集卷之二
三
遐眺新詩十二卷精心躡堂奧子美有替人當亦意不料
寓齋得披讀狂喜成絕叫惟應辦香然敢肆飯顆請傳語
學杜人津梁此先導

峒嶠碑歌

滿堂蝌蚪何蜿蜒砉然鴻濛落我前十指欲捫不敢近中
有神聖千萬年伊昔昏墊五行汨龍漢餘劫留水厄人命
慘填魚腹楊民居爭結鳥巢窄黃熊九載績弗效聖子起
任平成責齋夔感夢蒼水使告以宛委貯金策肅刑白馬
啟石函玉字銀編妙尋繹遂乘山櫟跨泥橇分醜涖洞闢
壅隔塗山弗顧子泣呱幘幘并愁妻見色玄章奉令繭跟
踵支祁就縛鎖骨髀山河兩戒次第清萬古坤輿奠衽席
功成勒銘告歲事峒嶠山尖斲貞石文括山海岳瀆經字

挾沮誦倉頡蹟堯碑舜碣不可見世間點畫此最昔開天
古篆形模奇難與後人較波磔想見摩崖作擘窠六丁下
照火光赤我聞此碑久失稽道人偶見旋復迷杜陵所觀
已贗本肥而失真燭若犀昌黎親到猿猱窟千搜萬索無
端倪此刻何時出磨洗使我創睹驚且喜得非鐵石充逸
少或者朱繇貌道子目無罔兩雙明瞳真假誰能定片紙
我重聖德垂寰瀛珍之不啻尺璧瑩洪荒秀樗數字外口
不能讀心敢輕盲翁捫籥但取似葉公好龍固爲名況茲
筆力自奇古不眞亦是好手成貌薦敖卽衣冠氣妒閼氏
亦傀儡精君不見七十七字長八尺蛟螭攫拏龜魚擲頑
蟲蝕木蛀眼枯雄雷劈山斧痕裂鑿椎欲破渾沌竅鑄鼎
直寫神姦魄嶧碑獵鼓空爾奇籀斯安有此體格縱輪明

堂琥璜價也比宮縣追蠡迹

題長椿寺九蓮菩薩畫像

城西南寺名長椿中有寶繪姿天人貴極重闡禪翟賤誠
皈佛乘戒衣尊當日隆稱觀自在至今遺像儼生存從來
母后當冲帝每利貌孤擅神器女中堯舜有幾人朝端平
勃愁無計賤婢驕稱中大人權閭寢侈十常侍太廟祠披
袞服臨外家臘改黑貂祭鶴將木刻寵新歡彘以人爲讐
舊壁飄絮猶歌楊白花摘瓜幾盡黃臺蒂獨有前朝家法
嚴尤推孝定性和恬恐辜未命黃襪託不慕朝儀紫袖瞻
政委相公批勅尾課勤幼主讀書簽經筵進講親催盥曲
部聽歌痛示矻期屆大婚移殿早禮尊正嫡過宮謙和熹
應愧常稱制光獻猶多一撤簾國儲未定妖書起官家汝

亦都人子從此青宮有所歸一語勝他千御史璇室禋宮
四十春九蓮菩薩本前身漢家賢母師黃老今奉如來亦
淨因湧現化城輝紺碧莊嚴香界布金銀要令人識清修
業特賜禪林法相眞著色生綃閣立本白描神筆李公麟
想當玉軸頒來日繡繖珠旛溢九圍諸佛也應投地拜榮
光萬丈耀金輪轉眼孫曾遭百六丹青也入滄桑錄蓮花
世界滿刀兵貝葉經堂橫血肉可憐萬里好山河無地可
懸圖一幅社飯誰還念老身僧寮聊復存遺躅深谷高陵
何代無徽聲終自冠椒塗道清死免僉名辱鉤弋生偏享
福殊來自西天乘鳳羽是時禁中建九蓮閣塑菩薩像跨一鳳而九首見揚冕岫玉堂蒼說
去歸南海比龍胡慈容滿月零縑在羞殺臨朝武后圖

樹海歌

自下雷州至雲南開化府凡與交趾連界處入百里皆大箐望之如海爰作歌紀之

洪荒距今幾萬載人間尚有草昧在我行遠到交趾邊放
眼忽驚看樹海山深谷邃無田疇人煙斷絕林木稠禹刊
益焚所不到剩作叢箐森遐陬託根石罅瘠且鈍十年猶
難長一寸徑皆盈丈高百尋此功豈可歲月論始知生自
盤古初漢柏秦松猶覺嫩支離天矯非一形爾雅箋疏無
其名肩排枝不得旁出株株擠作長身撐大都瘦硬榦如
鐵斧劈不入其聲鏗蒼髯蝟磔烈霜殺老鱗蚪蛻雄雷轟
五層之樓七層塔但得半截堪爲楹惜哉路險運難出僅
與社櫟同全生亦有年深自枯死白骨僵立將成精文梓
爲牛楓變叟空山白晝百怪驚綠蔭連天密無縫那辨喬
嶺與深洞但見高低千百層併作一片碧雲凍有時風撼
萬葉翻恍惚諸山爪甲動我行萬里半天下中原尺土皆

耕稼到此奇觀得未曾榆塞鄧林詎足亞鄧尉香雪黃山
雲猶以海名巧相借況茲蒼翳徑千里何啻澎湃重溟瀉
怒籟吼作崩濤鳴濃翠湧成碧浪駕忽移渤澥到山巔此
事直教髡衍詫乘籃便抵泛舟行支筇略比刺篙射歸田
他日得雄誇說與吳儂望洋怕

同璞函游杜鵑園作歌

騰越之花多杜鵑杜鵑園更花駢闐我來戎幕暫無事況
有勝友同流連相邀聯騎看花去城東十里地最偏沿池
環列十萬樹無一雜樹參其間低昂相映出活態爛漫不
怕春風顛竊紅濃紫色不一淺深乃有六十餘種相爭妍
不暇細分別一一索笑嫣但覺花光高出花頭四五尺照
人不覺紅兩顴滿園豔彩晃不定乃在無花之處烘雲煙

此卽徐熙妙手亦難寫蘸筆徒費胭脂錢一隊吳娃肉陣
擁三千隋女錦纜牽笑他空谷佳人渺獨立未免寒餓空
嬋娟天寒倚翠袖何以袞衣炫服相新鮮不意絕徼中有
此巨麗觀茲園若量移得占中土地一阡何減鄧尉之梅
雪成海武陵之桃花爲源我爲作歌使之傳毋長此埋沒
南荒天

元祐黨籍碑在桂林者今尙存沈魯堂太守搨一本
見示援筆作歌

崇甯四年二月吉臣京奉敕書黨籍首編元祐終元符所
在郡司咸勒石大書深刻何煌煌執政待制分班行聿從
章相初定案七十三人已濫觴子瞻儋州子由雷分地各
就名偏旁茲更增列三百九直空人國無留良歿者追奪

生者竄并禁子孫仕朝堂兼有曾持紹述議亦得附驥分

餘光問胡作此一網計眾正登朝我將棄遂甘鑄鐵錯竟

成肯令死灰燄重熾翦除異已期必盡威福橫行乃無忌

太師原是一魔君徐神翁語見錢氏私誌謬託左元仙伯位林靈素

左元仙伯見家世舊聞龍腦煙浮別院香京焚香從別室透人見悅生隨鈔鵲羹命

賤行廚味京好食鵲夢鵲乞命見虛谷開鈔比鄰侍女知避名薛肇明家婢知避京

諱見燕開常談天子姻家親賜醉見太清樓侍宴記回視南遷諸黨人瘴

雨蠻煙葬無地窮荒僦屋方坐愁相府歌鐘正得意豈知

公道昭日星錮之愈力名愈馨朝端枉矜九州鼎蔡確等鑄鼎列

司馬光諸人名金人入碎之天下已誦千佛經黨碑刻園子監有人題曰千佛名經見朱弁曲

消舊磨礪貞石妙鐫刻翻似爲作功德銘嗚呼權奸所爭

亦細故祇此目前富貴具庸知數十年榮華不過蜉蝣一

日暮何苦抵死讐正人徒供千載嬉笑怒冰山他日況崩

摧白頭也赴長沙路桃花三樹詔勒回

京妾慕容邢武氏三人隨南行有旨

追取以金人指索也

東明佛鎧黑如霧

京死於長沙東明寺見錢氏私誌

一樣投荒作逐臣剩比諸賢多臭腐相傳星變已毀碑此

碑何以完無虧想因桂管地僻左深巖無人施斧椎碑陰

不鐫刻工某毋乃亦是安民爲沈侯好古揭一紙鐵畫銀

鉤壇絕技一點金鋒雖兆亂

京書玉清宮額玉字一點極險急有道士曰此點乃金筆

而鋒鋒侵王見

臨池功深特秀美惜哉若亦作清流故自

老學菴筆記

金川門

大本堂摧懿文死應立燕王爲太子以長以賢事皆順屏

孫亦得免刀几乃留弱幹制強枝召亂本由洪武起臨濠

奮跡開草昧豪傑才兼聖賢理目不知書性有書每就儒
生講經史檀弓開卷重立孫春秋特筆譏逆祀千年成說
牢不破此語燕閒久入耳遂將神器付太孫分國諸王稟
同軌豈知釁卽起蕭牆臂小何能使巨指削籓方工鼂錯
策搆兵遂蹈張方壘王師轉戰力不支夜半翻成九江李
袞冕燼灰火滿天縉紳赤族血流水可憐十丈金川門慘
過晉家蕩陰里向使當初改建儲叔正清宮姪朱邸臨淄
自能厚本支臨賀豈遂干倫紀何至一家骨肉殘豕嗣翻
成若敖鬼我來經過弔陳迹終覺高皇計失此處常無事
貴守經銷患未形難據禮徒將誤國咎方黃猶未窮源推
禍始

再出古北口

紫塞秋風緊，淩寒踏曉霜。
餘沙盡白，關外柳先黃。
飲馬長城窟，呼鷹古戰場。
平生登覽興，敢惜鬢毛蒼。

贈吳鑑南民部

癡絕吳民部，詩才迥不羣。
官貧常數米，客到便論文。
似舅何無忌，君爲商賈意爲郎揚子雲。
沈冥甯用歎，佳句已流聞。

太湖口守風

泊舟羅步港，風勢正喧豗。
白浪無人渡，青山似馬來。
野香花信報，春色燒痕回。
隱隱祥符寺，遙聽粥鼓催。

擬秋獮應制

大獮行邊輦路清，塞垣風緊峭寒生。
九天秋肅驅劉信，萬帳宵嚴虎衛兵。
上駟別羣棚烙字，頭驚驗獲箭書名。
太平肄武軍容盛，雙纛黃龍矗幔城。

重過靈巖山館

靈巖山館好菟裘老友重過淚暗流
嗣祖早亡猶是福武安若在恐難留
春風亭榭花誰看落日林巒鳥自投
終是生平風雅報及身得免喚朱游

漢書蕭望之傳

漫興

富貴何曾有盡期胡爲行者競如馳
日雖夸父身能逐山豈愚公力可移
絕頂樓臺人倦後滿堂袍笏戲闌時
與君醒眼從旁看漏盡鐘鳴最可思

奉命出守鎮安歲杪出都便道歸省途次紀恩感遇之作

一出蘆溝跡漸遙當年從此上雲霄
重來恰是同頭路欲去還同拗項橋
敢以身微忘戀闕或憑政最更登朝
露寒

鳩鵲曾游地回首巢痕故未消

留別經略

稍踏邊塵識險夷忍辭苦口語臨歧一江沈鎖公無渡千
里持糧士有飢上將在謀爭要著南人不反豎降旗惟應
預擬平蠻頌待取秋風露布馳

慈元殿

宋楊太后同
帝舅居此

中土無家寄海隅數椽椒寢莽榛蕪遺蹤漫擬陽人聚秦遷
周後於塊肉曾攜趙氏孤臣妾僉名羞作表公卿負展儼
成圖最憐涕泣臨危語何減唐宮麥飯呼

歸田卽事

柴扉近俯綠楊灣回首風塵此倦還老境逼來將白髮宦
途盡處是青山署門客散無投刺退院僧高自掩關只有

夢魂難忍處君恩猶未削朝班

豚栅雞棲一畝宮呼來兒女脫青紅憐他未慣蓬茅宅笑
我原來田舍翁塵尾可揮非祖物菜根須咬趁童蒙短檠
燈火長鑱柄閒與諸雛話舊風

少日曾貪面百城而今萬卷送浮生一身去職如花落兩
眼觀書尙月明鴻爪春泥思往跡馬蹏秋水得閒情天留
老筆非無用要與熙朝寫太平

新葺茅廬在水南擬栽修竹翠氍毹持齋怕入遠公社習
靜便同彌勒龕詩就多兼唐小說客來與作晉清談所慚
懶廢無才思輸與山陰老學菴

題元遺山集

身閱興亡浩劫空兩朝文獻一衰翁無官未害餐周粟有

史深愁失楚弓行殿幽蘭悲夜火故都喬木泣秋風國家
不幸詩家幸賦到滄桑句便工

和友人拂水山莊感賦原韻

飛瀑依然萬點多當年養望此巖阿空山竟不生薇蕨破
屋徒憐補薜蘿人笑褚公猶齒冷家還江令已頭皤如何
領袖山林席名節翻輸一翠蛾

秦承恩字慎之號芝軒江甯人乾隆辛巳進士官至工
部尚書降編修加三品卿銜

泊舟東莊步至攝山

春江一艤舟斜陽間古渡過雨陌無塵支筇任散步茅屋
三兩家烏犍傍農具澗水落花浮吹香不知處小立谿橋
邊游蹤憶前度行行近寺門疏鐘出煙樹

項秋浦孝廉招集湖舫

柔艣清歌唱采蓴春波滑笏見游鱗夷光去後空煙水君
合西湖作主人

吳玉綸字廷韓號香亭固始人乾隆辛巳進士改庶吉
士授編修官至兵部侍郎降檢討有香亭集

過函谷

雄勝稱天險乘春事遠游千山闢函谷一綫入秦州煙雨
愁鞍馬風沙滿驛樓計程無幾日萱草可忘憂

陸錫熊字健男號耳山上海人乾隆辛巳進士由中書
厯官左副都御史有篁村詩集

詩話乾隆中編次四庫全書耳山與紀文達爲總纂
陸費丹叔爲總校書成分藏七閣卷帙繁重魚亥
豕事所不免耳山奉命詣奉天覆校文溯閣所藏書
遽中寒卒於旅次詩集分子目七前六篇皆所自定

後爲贗槩乃其子慶循所搜輯王蘭泉稱其詩工而不穢婉而能切吳穀人作集序以爲有冲和粹美氣象是可傳也

舟中曉發

片帆帶月宿寒煙半夜潮生旅夢邊
斗柄壓秋低插地雲根抱雨遠遮天
纔分曙色催蘭槳又雜雞聲聽馬鞭
同是悠悠湖海客短篷孤枕尙高眠

憶道曲

鯉魚風起江濤惡昨夜郎船何處泊
武昌遙望天上頭客夢況隔巴江秋
杜鵑不解催歸去處處征帆送津樹
日落黃陵古廟煙秋風那顧客衣穿霜
天手冷鷗絃歇苦雁聲中墮寒月紅
顏寂寞甯自嗟只念游子羈天涯破屋
孤鐙枕如水也應似妾空閨裏

讀史

百川齊注海東頭使者河隄借箸籌豈有宣房沈白馬但
聞蜀水鬪蒼牛地通鼉窟千尋浪天入龍門萬里流滿眼
薶蒿淮泗上至今遺恨武安侯

黑河殺氣暗天長荷戟新徵六郡良萬馬夜窺邊月白七
星寒擁陣雲黃尙書都護安西府屬國分符日逐王今古
只看秦塞險賀蘭千嶂接蒼茫

彭澤縣

大江會九派驚濤浩無邊潯陽三舍餘五日勞洞沿層崖
出危堞孤城枕江壖茫茫辨洲樹稍稍開墟煙卽景感徂
歲望古懷昔賢水勢樅陽西山光義熙前我因一囊粟乘
此萬里船所求亮錙銖忍受旁人憐造物養不材飲啄良

有緣但當詠時運便可歸園田三復乞食詩操瓢亦欣然

曹仁虎字來殷號習菴嘉定人乾隆辛巳進士改庶吉

士授編修歷官侍講學士有委宛山房集

錢竹汀曰君詩宗三唐而神

明變化一洗粗率仇巧之陋

詩話乾隆癸酉歸恩選刻吳中七子詩王鳴盛禮堂

吳素來竹嶼王昶蘭泉黃文蓮星槎趙文哲璞菴錢

大昕竹汀而以習菴殿焉習菴敦內行遂至死孝詩

初宗四傑後乃出入杜韓蘇陸諸大家七言近體疑

鍊高渾如雙峽天低連雪嶺五丁地險接維州紫霧

干盤開漢碣碧霞四氣拱秦封執法烏臺素御史談

經絳帳漢儒林楚水亂帆時近

遠吳山殘雪半陰晴皆其佳句

虞山

曉色開晴嶂煙嵐望不分林光微露日石氣欲生雲遠瀑
松間落疏鐘嶺外聞空山少塵色閒訪鹿麋羣

尋拂水山莊

烏目山邊磻路長，登臨重問耦耕堂。
休文舊宅荆扉掩，孝穆遺齋竹徑荒。
名重空傳歸黨籍，位高那許謝巖廊。
薜蘿往事成銷歇，只有流泉送夕陽。

秋夜

涼月照高柳，草堂夜氣分。
疏鐙寒欲炏，遠磬近初聞。
葉落全疑雨，池荒半是雲。
更闌不成寐，蕭瑟感離羣。

舟宿惠山寺前曉起

斜月入篷窗，夢回暗泉響。
深談不成眠，遙夜得幽賞。
漁歌何處來，隱隱聞蕩槳。
空林斷霧橫，野戍寒星朗。
清陰媚淪漣，遠色迷滉漾。
浮嵐滿前山，稍見朝旭上。
平生邱壑心，暫此息塵鞅。
微微水氣涼，浩浩川涂廣。
解纜隨輕鷗，煙波共長往。

梁溪舟中

梨花如雪柳如絲
新水初生拍艣枝
長愛黃公澗邊路
一篷疏雨品茶時

洪濟寺

丹崖千仞鬱嵯峨
有客凭欄獨放歌
澗道水聲疏雨歇
江天帆影夕陽多
粥魚茶版冷泠出
月榭風亭歷歷過
回首征途馳逐倦
一鐙方丈問維摩

登靈巖

谿迴停蘭橈
一徑破蒼靄
層峯隱孤雲
斷澗流淺瀨
行行不辭勞
空翠落衣袂
林昏夜煙微
路仄崖石礙
迴看徑轉幽
遠矚情逾快
嵌空出招提
鈴鐸語天外
蕭條掩石門
寂歷到香界
客來息煩襟
散髮對清籟
憑高俯湖光
波濤勢

交會遙山七十二羅列青如黛煙嵐入空濛朝暮各殊態
緬惟館娃人事去逾千載香徑寒流清屨廊荒草廢夕霏
送殘陽峯巒變明晦蕭蕭聞松篁隱隱動梵唄支筇隨歸
樵蒼茫發長慨

馮應榴字詒曾號星實桐鄉人乾隆辛巳進士授內閣
中書厯官鴻臚寺卿有學語彙

詩話星實蘇詩合注集諸家之大成最爲賅洽
足與孟亭侍御玉溪生詩文注共成一家言

七盤關

關塞重重險處懸再探南棧地形偏七盤路入星河影一
綫江分隴蜀天兵氣肅清威草木馬蹏蹴踏亂雲煙客程
豈愛耽行緩爲是崎嶇步接連

田均豫字介石玉屏人乾隆辛巳進士改庶吉士授檢

討有甯瘦居詩

晚過水心巖

遠水浴殘日延緣信碧尋風螢飛不定江鳥起還沈古洞
穿巖腹危峯墮水心仙源聞此近好入白雲深

雨中遲人不至

春雨止還落故人遲未來可憐花落盡不共一尊開

次盤塘松雲山

卷盤之字出橋倚蟻封斜松翠晴爲雨楓丹晝有霞苔延
緣鹿跡犬吠想人家只少名泉汲無因一試茶

余廷燦字卿雯號存吾長沙人乾隆辛巳進士改庶吉
士授檢討有存吾集

詩話存吾於天文律歷句股之學俱能鉤元提要
古文當時有重名惟詩所作不多要有法度可觀

合江亭月夜

綠淨月高炯一碧不可界空闊攖危磯瞪瞰忘欠噫磯影
入雙流吞吐勢欲嘖波紋復牽挽風簸如冒絰尙恐釣鼇
者一舉乘其懈心口勅六丁守護嚴藩砦吁嗟何太癡天
與設幽怪詎比荆關圖十日五日晝宵分絕聲影衣潤浥
沆瀣傲兀坐青空俯仰發長喟

怡親王畫荷爲譚古夔題

琉璃萬頃堆鏡湖紅雲十丈水面鋪翻影濃綠上衣裾妙
香鼻觀生模糊賢哉河閒插架書餘事拈筆寫芙蕖君從
何處得此本費我展畫典衣沽是時蠅蝨皆側翅清飊瑟
瑟含空虛想當槃礴欲施手坐對弱水之瀛壺乾坤清氣
入毫楮玉井移根爛萼跼如船之藕疑有無安得片雪沈

疴蘇火急覓句還君圖好景一失追難摹

和答毛汝亭

難脫陳言強自敦規摹徒愧節輪轅六經文字沈吟老五
嶽峯巒想像尊共笑草元歸醬瓿忽歌雪白到柴門與君
臭味苔岑合尊酒還期一細論

彭翁義菴三修漉江橋爲作山木吟

輪囷大木宿癭瘤蟲螫蟻鬪困渠酋一日出谷回萬牛不
向華屋供雕鏤願化長虹當巨舟雷火摧燒落抱樞忽然
倣覬蛟鼉游行人病涉歎曷瘳又見撐枝古渡頭斬新鐵
榦接蝓螺明年大水水橫流木化爲蛟爲蟠蚪一朝水退
不可求依然青銅水面浮世上乃有掀髯叟三散黃金名
亦收何爲障簾營菟裘

謝啟昆字蘊山號蘇潭南康人乾隆辛巳進士官至廣西巡撫有樹經堂集

楊震

巾箱飼雀玉環貽夫子關西譽望馳白壁青蠅甯有玷黃金黑夜豈無知三鱣講席生前兆一鳥關亭死後悲太尉傳家清德在侍中強項有孫枝

文帝

風流人物數元嘉文史縱橫自一家白面書生談北伐黑衣宰相坐南衙長城萬里歌聲慘合殿深宵燭影斜儉約猶存永初意烏蓬未勝葛鎧華

邵自鎮字尹東號笠塘宛平人乾隆辛巳進士官大名教授有夷白山人行卷不須編

天雄學署留別朱海客次韻

魯酒休論淺共深清風相對足披襟空憐蕉鹿他年夢未
了尊鱸此際心客路尙依茅店月生涯仍典草堂琴攀留
日暮齋廚靜隔院長松響碧岑

邵庚曾字南俶號湘芷宛平人乾隆辛巳進士改庶吉
士授編修歷官山西雁平道有香渚詩草使黔草消
寒集視漕雁門草

詩話湘芷夷白山人子也父子同榜進士乾隆間己
未則有烏程費瀛及子蘭先甲戌則有嘉善周翼洙
及子升桓並此而三

雨中自玉屏放舟

楓林不斷萬山秋煙景迷離一葉浮石齒鳴雷過枕畔浪
花飛雪捲船頭溯洄欲盡峯腰轉晡靄初開雨腳收回首

黔岑漸迢隔隨波雙楫達沅州

舟行

水底青山屋底雲斜空歸鳥影紛紛
半天風雨忽收去瀉作清泉百道分

儲祕書字玉函宜興人乾隆辛巳進士
歷官黃州知府有緘石齋詩藁

瀨江道中

扁舟越寒悒蓬窗正愁絕餘霞散復收
遠火明更滅雁叫一天霜漁歸半帆月
舟人指前灘灘水空陳蹟我行歎飄蓬
望望煙波闊濁酒聊自斟羈懷那可說
平生對清景強半在行役

過友人山居

招尋出城南迤邐翠微路峯陰豁清曉花氣釀春暮濃綠
罨山村鶯囀不知處連塍宿麥秀隔竹新泉注雞犬何脩
然幽人此間住摘蔬留客飯就石安茶具習習松下風遲
遲晷景度晏坐竟忘言羲皇靜中遇

九日抵廣州

搔首南天對夕暉越王臺畔卸征衣岩巖樓觀臨滄海縹
緲人煙接翠微鄉信更無鴻雁達秋風祇有鷓鴣飛今朝
正是重陽節何處東籬採菊歸

塞下曲

邊城木落雁南飛颯颯金飈塞馬肥今夜李陵臺上月照
人何處搗寒衣

李文藻字素伯號蒞畹又號南澗益都人乾隆辛巳進

士厯官桂林同知有嶺南詩集

南康縣

曲折芙蓉渡沙明日又低山城短於竹茅舍半臨溪好鳥尋常見晴嵐咫尺迷惟憑雙塔影猶可識東西

草菴

驚埠西邊長萌塘雲來如墨樹蒼涼迎頭一陣蓑蓑雨才轉山坳又夕陽

黃堂字雨椽號秋水瀟溪人乾隆辛巳進士官宿松知縣有秋水詩鈔

開春偶題草堂

晨雪欲漸霽出門念何之山墅此軒豁屢來誠不辭當戶照高梅繁花何離離念此誰護植磊落寒猶姿草木交冬

春頗似窮居時骨幹苟不立何由待華滋撫樹再三歎爲
汝發歌詞人生有本志憔悴復奚爲

自松江抵蘇州舟中

千澗復萬澗出湖旋入湖橋多帆屢落村小店仍孤酒艇
供晨飲吳歌當夜呼秋風起寥泚還與問葦鱸

趙文哲字升之一字璞庵上海人乾隆壬午南巡召試

賜舉人歷官戶部主事殉木果木之難贈光祿寺少

卿有婣雅堂姻隅等集

詩話升之長於古體黔滇塗中所作尤爲奇詭多前人所未道少時與王西莊吳竹嶼王蘭泉黃芳亭錢竹汀曹習菴相唱和人稱七子詩傳至日本其國相高棟爲七律人贈一章寄估舶以達人豔稱之

自漢水放舟南下卽事

襍被同登漢上槎六年不聽楊謳鴉容身已喜如居室入

夢渾疑是到家斜日趁墟宵喚酒輕煙壓水午鳴茶南遷
我久忘官樣慙見船頭候吏譁

碧波翠巘一程程細雨斜風撲面迎沙步閑容村牓卧煙
帆低傍渚禽行潤留硯墨吟初罷寒勒篝香夢未成忽憶
吳中十年事夜船鐙火按銀箏

自澤口循江隄陸行二十餘里至田關復登舟卽事
潛江三日住捨舟忽遵陸勞人故草草安便豈吾欲破曉
雨初霽草樹靄如沐日出煙未散聞雞辨茅屋肩輿苦敲
側輿卒雜樵牧所欣風土佳笑語共僮僕宛然故鄉景娛
此異鄉目

舟中至日

草草流光駐勞勞遠道難問人知短至掩涕話長安江暝

漁燈亂城荒戍角殘誰憐賜辛節旅食共溪蠻

明月巖

乍脫一灘險又逢一峯奇一峯撐青空斗絕不可梯誰於
兩厓間飛橋架虹蜺想見修竹林微逕通招提鐘魚戛雲
表聲落山下谿谿流與相應杳然去何之借問鸕鷀若何
處營苗茨暫游尙無暇慚愧津梁疲

雨過黔陽縣

不信天真漏山城雨氣銜灘雷搖絕壁瀑雪灑高帆地雜
黔風陋溪藏楚邑巖龍標猶歎遠去去淚盈衫

縣有龍標城故蹟王

昌齡謫居於此

大池灘

小池連大池蛟龍有重坎騎虎勢難下決進豈吾膽日落

風蕭蕭四顧墨雲霍濤頭倒如山相戒勿輕撼四舟一心
力循環互牽攬爭此命一絲諱跼聲慘慘我舟最後發忽
遇石角岷百丈墨急流舟如斷蘆颺一夫出應募懸緯踏
幽窅翻身雪浪中微見一鐙閃抉石負而趨一步猶一險
前舟見相賀到岸鼓音統急傾勞酒勞驚定生百感安得
百萬夫習流號勇敢

宿栗子冲有懷程魚門同年

料理天涯薄病身一鐙初翦影相親忽飄老淚思前事每
到窮途戀故人難後家門愁再問劫餘文字敢重論荒郵
草草交三九舊約消寒又幾巡

入大風洞不能窮游悵然有作

峙蒼古洞偶一至石作天風海濤勢將崩未崩壓人頂擾

擾蛟龍塞天地忽聞春雷殷有聲石屋以外飛泉鳴訇然
元關晝不扃捫苔挂竹銜尾行半空斜掠蝙蝠翎撲我炬
火如繁星寒飈出洞寒有棱毛髮倒豎心骨驚頗傳中藏
僊者庭白日穿漏光瓏玲左踞白澤右蒼精鐘鐘鼓鼓觴
百靈別有邨墟水盈盈炊煙裊作溪雲青喚渡惜少漁舟
橫芒屨躑躅溼沮洳借問仙源定何處此中荒怪難久留
且上危亭看山去

出洞復循級而上
有石亭眺覽最勝

雨抵白沙驛示述菴

驛舍千山裏恩恩卸薄裝雨聲移別岫雲氣擁虛堂凍骨
親爐火衰顏仗酒漿言愁愁轉劇反覺怕連牀

宿南隄河卽事

白沙碧波抱幽渚天與征人養疴處

時予病初差
故行獨後

綠坡障

以老楓樹萬馬中宵自西去無燭無月微有星秋深露濃
隔帳零溪禽不知有客宿時傍巾屨行伶俜坐久漸復見
諸景對岸雲林致幽迴華無風忽動搖知是賣鹽夜歸
艇夷人多持鹽米出售軍營炎飈瘴雨十日淹一夕清境清而恬且支
水枕百憂外萬一夢到江之南

歸抵騰越

落葉空庭撲面飛一鐙如豆換征衣百三十日歲云暮萬
五千人吾曰歸時圍老官屯賊寨者萬五千人長吏繼庖空僕僕老兵勸
酒轉依依予僕從死亡略盡惟百夫長許登鳳給役甚勤屢瀕於危而不解軍中無不知有許某者今尙
相依不去也重衾無限蕭閑夢猶遶江屯鐵甲圍

寓齋卽事東述菴七疊前韻

圓跣無蒲手無錫結夏何如僧面壁平生但蓄無絃琴不

愛奇聲傳霹靂官齋清絕清似水一刺不通非有激林颺
吹鬢涼絲絲花霧侵衣陰冪冪檐端雙鵲曉聲乾簾外一
鳩午語寂蒼苔雨後三徑封除卻羊求蹤孰覓人到中年
感易生酒壚豈爲鄰家笛故園昨寄萬里書情話依然共
親戚青衫只道淚痕多戰血那知今未滌多謝加餐勸我
勤惠州飯許東坡喫華胥聞說勝鈞天假道應從醉鄉適
九衢處處有堯樽酒德誰能使民覲莊子民可使覲德不可使覲形比來
曹事都不知挂頰西山秋欲滴相將料理苦吟身縛袴橫
刀再臨敵

軍中夜起簡儉堂

凍雲忽捲亂山層中夜支筇感不勝獨倚悲歌刀作響倦
侵病骨被生稜林霜暗入三更析崖雪晴飄萬帳鐙欲就

故人話尊酒醉來還恐涕沾膺

暮至尤溪

兩崖一綫走陰森班馬淩兢有戒心雪似凍鴉翻絕壁石
如飢虎攫空林橫橋入市人聲雜候館懸鐙夜色深不用
繼庖煩長吏龍溪茗碗豁愁襟

九溪一名龍溪產茶最佳

同程魚門舍人曹習菴宋小巖兩編修吳白華姚姬
傳兩吉士集王夢樓侍講齋中分韻得觀字

川冰鑒恬鱗林霰集陽翰平生歲寒心出門軫三歎彼美
惠久要賞音及殘曩新故交自并升沈道豈判轉令感激
平彌覺言笑晏家醞清且醇款款陳玉案旣醉詎忘歸隆
思理還亂日月逝不居俯仰有殊觀一誦雞鳴篇永懷矢
申旦

漢建武佩劍白玉璫歌

小敵何怯大敵勇謹厚者眞高帝種金刀一折二千年玉
具依然帶雙孔當時投袂興義旗平林新市驅天威四七
之宿盡龍虎直憑三尺爲指揮五成陌上燭柴烈鹵簿煌
煌此同設通神或已逐風濤入手猶驚琢冰雪橫理模糊
戰血存苔花蝕處秋無痕在昔已忘求故劍半環零落出
長門摩挲建武年間字十載軍中肯捐棄告廟還隨璽綬
陳旌功那共乘輿賜斬蛇法物劫灰飛白水重開二百基
想見諸軍衣繡颺佩來爭說漢官儀

題述菴比部蒲褐山房詩

茗椀熏爐位置偏山房絕似小吳船砌花種別爭春綻庭
樹陰交障日圓移榻久無殘客對修齋漸與退僧緣一團

蒲上閑披褐誰道金閨已十年

飯鐘粥鼓接名藍如海紅香寄一菴例有高流樂晨夕

爲地

寄園舊址沈歸愚宗伯亦嘗居此

判無熱客利西南

過此京寮更無賃居者

檐牙虛

籟吟聲合屋角晴嵐畫意參我在長安叨舊雨閒居風味略能諳

昔款依稀記弱齡烏衣門巷錦帆涇春潮兩槳人初到夜雨重簾酒乍醒香火心情偏澹蕩雪泥踪跡總飄零一龕今日安跏穩折腳鐺邊說與聽

到來便當脫朝簪晝拓湘櫺暑不侵橫閣露枝延鶴夢填階風葉壓蛩音居安僻地除官樣人閑中年長道心莫怪句留常永夕天涯何處託苔苓

嚴長明字東有號道甫江甯人乾隆壬午南巡召試舉

人授內閣中書擢侍讀有歸求草堂詩集

詩話道甫天才駿邁思筆奇偉爲朱石君畢秋帆袁簡齋所傾倒其游岱華諸詩瑰辭險語鐫刻造化簡齋稱其以七尺軀三寸管與五千仞奇峯相倣詭可謂形容盡致錢竹汀作道甫傳述其告學者之言曰士不周覽古今載籍不徧交海內賢俊不通知當代典章遽欲握筆撰述縱使信今亦難傳後其自命如此道甫著述宏富尤長於金石之學詩在黃仲則之上以其學問博也洪北江詩話評其詩如觸目琳琅率非己有未免門戶之見

品外泉在方丈後汲飲成句

幽泉如眞僧品在方以外自慚塵中人知津偶然逮時方
新雨餘潨洞納諸派亭亭蓮自開汨汨雲不壞小師習水
觀汲取釣筒快浸以連枝茶香色正初焙一甌高自持岸
幘據石背竹風涼修修松月碧靄靄

白雲庵曉起周墀綠萼初開偶憶宋侍郎張瓌讀書

於此

曉起先春禽抱影坐檐際疏鐘渡寒窗忽與暗香至添衣
下階除滿院但空翠娟娟色映春的的香入袂定展苔痕
深目翫心與逝緬昔張唐公讀書此高寄平生山水懷獲
茲良已慰芳躅等飛煙餘風在條肄修到知幾生攀花獨
長喟

拜張白雲先生墓

徵士千秋有故垌異時還宿少微星南冠被繫憐江革初
服還家重管甯海島魚龍空舊恨墓門薇蕨至今青士衡
別有談經願欲叩遺書向杳冥

列岫亭晏坐有寄

碌碌逢秋盡亭林此暫過江空聞雁少木落見山多憶彼

元栖者愁如遠道何綿綿思奉袂無那洞庭波

唐登封臺在日觀峯西薄暮投宿夜登峯頂觀日出
歸後題詩伏虎門壁

清晨盼天門得上已昏黑古殿閉虛皇神鐙黯無色齋心
丙夜目不窺倏驚窗紙紅離離空中似聞海波溢耳畔如
有天雞嘯閭然走向幡竿石東望立同榴木直不知咸池
去此路幾千但覺海水羣飛入胸臆初時色滌泐有若新
磨銅須臾勢隆起一綫緣長虹咄哉長虹曷由起復止南
互魚頭北魚尾拂天誰奮義和鞭敲折玻璃萬條紫散成
朵朵金芙蓉貼向滄波吹不起少焉風動蓬山根播蕩溟
渤如翻盆就中團出火一輪計里遠以三千論左敲南離
右欽北戒大象焉藏太空焉繫何龍燭而明何麟鬪而晦

胡棄策而莫追胡揮戈而遽退安能御六辨指陽門郅縯
蓋曳緋帶足踏紺鵝背飛上樽桑顛遠引木公袂高拍青
童肩親從黃道訴眞宰一證古今扣槃捫籥之譚言狂歌
未了衝飆起倏見雲來若鵬徙兩翼飛遮萬里光一時賁
育咸披靡東牟道士劉孟容自言卅載居山中曾經五度
見鼉采皆與此夕神光同鼉磯忽報更籌淺觀壯如斯志
應滿歸來奮筆寫龍蛇惟見兩眼金光不停閃

由十八盤登青柯坪坐蓮花峯陟不及登陟悵然有
作

煉石無定冶愈變迺愈工九峯復九折一折殊一峯方割
紫瑪瑙圓擢青芙蓉高低若迎送直到方與蓬西軒倍開
豁正在蓮葉東似將萬丈華倒插天鏡中朝光倏照耀紫

翠升長空遙知煙彩內定有仙靈蹤
捩將芳露氣結作青瑤宮自顧眞病鶴六翮慚
毳毼三山幸咫尺不慮迴舟風願乞并州刀翦取碧色茸裁爲瑟瑟衣仙乎謁青童

由老君犁溝徑雲臺峯側南逾擦耳崖至金天洞

西峯菡萏如到此辦一展乘之如步虛上下輕且輓或云苦縣翁于此事清畎其旁有青牛怪事理莫遣舍之度雲臺細路繞香篆仰視天無餘俯瞰地有限或爲怪風遏前行後仍轉或爲爛雲迷始定終迺舛趣苦賞莫延思艱力難勉失喜重隙來有洞若可款彈指開雙扉兩腳一蕭散迴頭盼來蹤幾度幸而免猿狖之所愁而我獨游衍豈其異術操所恃惟一敢

龔禔身字深甫號吟臞仁和人乾隆壬午舉人官內閣

中書有吟臞山房詩

上巳日登城用杭大宗先生

世駿詩韻

登高豁塵煩睎江山美況當上除辰曲水盛羅綺清風
度女垣禊事掌春史迢迢上重闔跋我蹋青履參天峙林
巒撲地錯閭里顧此濠塹堅遂事崇墉倚荒堞望紆回襟
帶互百雉雲容半黑白山色雜青紫龍池何足游攬勝自
今始霞吐秀嶺巔煙含密樹底不第游目佳兼亦會心旨
娟娟月一鉤密邇快仰止笑彼轅下駒閉戶說掃軌

冬日登南高峯

寒山斷行跡落葉大於掌我來正淒風撫景結遙想峭崖
逢僧臞空林答樵響飢烏啄敗蘆征雁弄清吭俯仰會所
適心目競颯爽一峯立我前窄徑聚而上倦欲憩松根險

思扶藤杖遂得造其巔平湖貢滉漾雲從足底生煙自樹頭
敵始信山中人足悟塵外賞後期回春姿林木互蒼莽
蠻榼倩僮攜鼓琴矢獨往

偶作東巖誠

西冷橋畔綠楊灣夢裏曾歸不當還曉起白雲常滃几醉
餘青眼愛看山茶鐺料理神先爽詩草荒蕪手自刪我慣
浪游君善病何時勝地共躋攀

邱庭樹字孟直號醒蘭宛平人乾隆壬午舉人歷官工
科給事中

密雲縣

野闊林煙淡沙晴石色斑人家多傍水城堞半銜山碑碣
留前代風雲接古關年豐農戶喜穗秉滿田間

憶舊居

小橋長巷住京華
童子嬉游舊有家
曉雨春歸三徑晚
風秋老一籬花
烏衣昔夢情猶戀
鴻爪前因願已賒
宣武坊前打頭屋
繩牀塵甌漫咨嗟

巴泰字虞尊滿洲旗人
乾隆壬午繙譯舉人
歷官光祿寺丞有百五春詩

西山晴雪

曉向初陽已半融
尙餘不盡亂雲中
偶然幻相知難久
露出青山氣象雄

金學詩字韻言號蓴香一號二雅
吳江人乾隆壬午舉人
官國子監學錄有播琴堂詩

盧雅雨運使招游平山堂
諸勝同程鼗園嚴冬友顧

星橋作

春和霽景開鮮雲媚曉色煙林揚桂橈風檻俯蘭澤沿緣
遵前途迴谿淨如拭日華麗朱蕙霞影掛綺壁秀嶺互縈
紆層樓綯金碧石橋跨晴虹掩映瓊闌赤玲瓏耀遠觀窈
窕迷近歷側徑疎篁深幽階嫩苔蝕行行空翠中十里香
霧冪崇堂豁清爽遙望江村夕觴詠盛自今風流緬猶昔
幽探符勝情雅會展良覲欣隨印渚游況偕梁苑客月明
賦言旋惆悵高樓笛

朱孝純字子穎號思堂一號海愚漢軍旗人乾隆壬午

舉人歷官兩淮鹽運使有海愚詩草昆彌拾悟詩草

詩話海愚能畫尤長於孤松怪石亦工山水知泰安

府時曾作泰岱全圖現官揚州每遇春秋佳日招大
江南北諸名士爲文
酒之會詩豪放自喜

仲夏郊外作

夏日出郊原聊以消炎燠不履亦不衫步繞清溪曲煙淡水容清雨餘山色綠修竹媚遙村新禽喚森木地僻息塵機苔深絕人躅此間樂有餘平生念自足始知賢達人委身在農牧

夜過鄭州

弓衣星影浮驅馬古城頭虎氣荒林黑蟲聲旅店秋關人傳廟市關將重邊獸俯仰多餘慨霜風獵未休

贈徐崑山先生時先生方選唐宋諸家詩

先生閉戶與誰親白首青鐙夢古人獨取變風扶正始別裁僞體識清真大文糟粕存天地元氣淋漓泣鬼神幾輩精誠未磨滅九原心事宛如新

州牧餽酒肉戲爲戒律卻之

早從沽肆辭鯨飲又向空山味菜根無限酒腸都化水一
瓢冰雪過屠門

鄭澐字晴波號楓人儀徵人乾隆壬午舉人歷官浙江
督糧道有玉句草堂詩集

楓嶺

詰旦辭霞關薄暮越楓嶺危途極蜿蜒深谷轉荒梗時當
積雨後行衝溼雲冷斜景無停暉迴飈有虛警遠從雙峯
罅稍辨隻堍影巉巖欲崩石兀兀最高頂我登力已疲我
僕力猶猛俄陵百丈梯忽躡九仞井中休勢疑情蓄銳思
一逞攀援雜藤葛杳靄惑畦町霜林如美人袷服不尙褻
又如韶顏翁觴罷春醕酌頗憶風雷朝振響落懸癭感時

輒驚暮念別益含哽蠻天夢不到海嶠路多迴苦辛伴童
奴棲遯愧箕頴何由免崎嶇垂堂日三省

雨中有述

露下涼生大火流三旬水宿感淹留河聲送雨過沙市山
翠橫煙入柁樓楚客懷歸終戀關美人經別易傷秋紅塵
自有棲閒地誰遣行藏愧白鷗

聞同年趙璞函歿於西川軍營詩以哀之

西望蠶叢路年來羽檄飛君行空萬里身死在重圍報國
文章盡封侯事業非他時看掃穴誰唱凱歌歸

李廷儀字石帆灤州人乾隆壬午舉人官亳州知州有
杏瓊齋詩集

潛山道中

山見集言四ノ二
地僻居人少衡茅三五家孤村屯落葉野水削平沙竹徑
門深掩松毛嶺半遮黃雲收晚稻婦子慶汗邪

松陰

松陰三四里綠潑一溪幽花與僧分種山邀鶴共游但貪
詩道興難仗酒消愁散步茅檐下狂吟月滿頭

錢維喬字竹初武進人乾隆壬午舉人官鄞縣知縣有
竹初詩藁

游石門觀瀑

夙吟太白詩遂理謝公屐遠上窮秋巖雙崖忽中闢雲泉
竇天半飄灑萬丈壁仰見銀虹飛到地素影激四山黯欲
雨一綫垂日色坐久寒生衣石氣森漸逼雁山兩龍湫攬
勝快乍歷復此續幽興欲去意屢惜解纜寒灘鳴清響儻

未隔

雨夜與夢鈿坐話

幾日西窗雨天涯尙許同關河雙淚外骨肉一鐙中短髮
難消酒哀音易墜鴻明年見春草好與數飄蓬

五更渡洛水

翠羽明璫夢未真寒皋空有水粼粼馬頭一片將殘月曾
照黃初作賦人

崔述字武承號東壁大名人乾隆壬午舉人官羅源知
縣有知非集

詩話東壁博聞彊識撰考信錄唐虞三代經史百家
傳信傳疑一一加以考證自敘謂以經爲主傳注與
經合者著之不合者辨之異說不經則闕而削之闕
通翔實卓然自成一家言

清化鎮晚眺書事寄朱松田

隨山西南行未暮憩孤館乘暇眺晚色叢篁互疆畎太行
翠屏列淇水玉帶展綠柳夾清渠春城倚翠巘擁泉漑隴
畝下田變沃衍雪浪激飛輪石磴如雷轉河曲野徑迷雲
起暮山斷細雨催人歸翛然忘近遠惜君未同游寄此聊
代柬

磁澗

際曉發洛陽亭午出磁澗水流砂石間青山夾兩岸突兀
摩雲霓一徑自中斷詰曲隨山行十步不相見入谷天忽
小上坂山復亂迤邐循水涯倏忽登天半山合疑無路將
近勢復變忽聞重霄中人聲若相喚仰見穴處民午煙起
炊爨羣羊如蚤虱蠕蠕略可辨極目愜幽情登臨遂忘倦
更欲凌絕頂乘風捫河漢

卜居

卜居煙火外，掃徑薜蘿間。地僻柴爲壁，庭幽雪作山。白雲心自靜，落日晝常閒。薄暮無他事，焚香待鶴還。

峭關

峭峽高無極，崎嶇欲到天。雲中低嶺樹，水際俯村煙。古戍餘秦壘，殘碑記漢年。二陵風雨地，驅馬意茫然。

宿寶店

征馬長嘶出鳳城，少年作客爲浮名。已無東閣留人住，惟見西山送我行。經濟有懷還入夢，鄉園多難獨關情。月斜門外頻催起，愁聽晨雞四五聲。

崔邁字德皋，大名入乾隆壬午舉人，有德皋詩草。

詩話：德皋與兄東壁同歲舉於鄉，早卒。東壁爲刻其遺藁。

雜詩

癖性耽孤介俗士多所忤閉門稀出游狹隘迫於路往者
游長安求名不終遇幡然歸故林頗得隱居趣入室酒滿
尊挂壁琴一具雖無犧牛樂且免神龜懼嘯傲招隱詩吟
詠歸田賦卻憐世間人醉夢幾時寤

江筠字震滄長州籍休甯人乾隆壬午舉人

詩話震滄筆精經學尤長三
禮三傳詩篇蘊藉而集不傳

和挹楓送春

心緒而今已惘然憑欄況復憶當年綠蕪細雨王孫草錦
瑟空江帝子絃柳外祇餘飛雪路壺中猶貯釀花天休言
後會須臾事怕惹青霜到鬢邊

張大福字秉五號醉白新會人乾隆壬午舉人有醉白

亭集

圭峯瀑布

飄飄素練望中開，十里先聞轉壑雷。
蒼壁雨高驚水立，碧空雲盡自天來。
千峯答響松收籟，仄徑分流石齒苔。
古寺支筇時一到，塵心銷盡雪花堆。

王金英字澹人江甯人乾隆壬午舉人有冷香山館詩
藁

舟中

野闊水無際，拏音雜浩歌。
天根沙岸接，樹杪夕陽多。
一雁來雲外，雙鷗立澗阿。
扁舟經過處，歲月歎蹉跎。

被放後出都

枕上南柯夢未成，滿天落葉賦長征。
親朋共悵登程日，鄉

國先傳下第名蕭瑟蘆汀霜雁影迢遙柳陌晚鴉情可憐
寒氣深于水獨自垂鞭款段行

猶法賢字心魯號西樵甕安人乾隆壬午副貢官鎮遠
教諭有西樵山房集

山居卽事

僻地春風滿山居事事幽林花隨岸轉漁火射江流就石
安棋局攤書上竹樓向來飛動意不覺氣橫秋

晚晴簃詩匯卷九十終